

Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

101. Publicè in theatro supplicii, aut carcere, profitetur, in solius Christi
Passione tantum esse virium, ut fidelis per eam salutem æternam
consequi possit, Henricus Morsæus, Anglus.

Nutzungsbedingungen

[urn:nbn:de:hbz:466:1-55449](#)

DECAS XI.

I.

AMATOR CRVCIFIXI

*Publicè in theatro supplicii aut carcere
profitetur in solius Christi Passione
tantum esse virium, ut fidelis per
eam salutem aeternam conse-
qui posset.*

101.
HENRICVS
MORSAEV
Anglus.

ANNO M. DC. XLV. 1. die Februarii Londini in Angliâ gloriosam mortem pro Religione Catholicâ fortiter oppetiit HENRICVS MORSAEVS Anglus, è Societate JESV Sacerdos, amans CRVCIS, ac laborum rectæ semper ac sinceræ mentis tenax, plenus zelo, plenus charitate. Hic, cùm amplius sesquianno magno animi sui gudio ter in Angliam missus strenue ibidem ac laudabiliter in vineâ Domini laborarer, captus denique est, & post multarum hebdomadarum gravem, fœdumque carcerem, navi inde Londonum avectus, ibi carceri iterum fuit traditus.

Hinc evocatus ad tribunal, recitatâ accusationis schedulâ in hanc formam:
*Quod ante annos aliquot Sacerdotij convi-
tus, Regnoque egressus revertisset, damna-
tus*

tus fuit solempni formula de Sacerdotio. Quod apud illos videlicet, perduellionis est crimen, adeoque perduellum suppicio perendie necandus pronuntiatur. Tunc ad carcerem, unde venierat, fuit relegatus.

Pridie autem quam pateretur, à prima diei hora ad extremam usque centeni & centeni ex Catholicis accurrerunt, contempto fortiter discrimine, cum ut CHRISTI Athletæ gratularentur felicitatem propinquam, tum ut aspectu fortissimi pugilis fruerentur, &, vel vocem aliquam consolatoriam, vel reculam ab eo quantumvis exiguum ad memoriam illius auferrent, vel sibi afflictisque rebus suis opem ab eo, cum ad cælos migrasset, postularent.

Accessere etiam ex hæreticis nonnulli, qui satisficeri sibi petebant à Patre de duobus. *Primo.* An posset quis per CHRISTI Salvatoris pro genere humano PASSI & CRUCIFIXI merita salutem consequi, sine invocatione sanctorum? *Secundo.* An is jam moriturus esset, pro Religione suâ, crederetque se ad inferos damnandum, si extra Ecclesiam Catholicam Romanam obiret?

Dici enim vix potest, dux istæ calumniæ, quas Catholicis imponunt, quam altè hodie in multorum Protestantium animis defixa hærent. Vide-

licet, quod secundum doctrinam Papistarum, ut loquuntur, nec satis virium sit in SOLIUS CHRISTI PASSIONE, sine ope Sanctorum; nec quisquam è nobis reperiatur, qui pro Religione sic vitam sponte det, quasi ea religio ad salutem necessaria existat.

RESPONDIT igitur Pater ad utrumque Quæsitorum separatum. Et, ad Primum quidem: præcisè loquendo, posse hominem cælo potiri CHRISTI pro hominibus PASSI & CRUCIFIXI meritis nixum (quippe, quæ per se sunt abundantissima, ac planè infinita) etiam si ipsa contingat, ut sanctos fortè non invocet: modò tamen credat, quod credendum est, quodque præcipit Ecclesia, licere Sanctos invocare, eamque consuetudinem piam esse, ac laudabilem, & cum fructu usurpari.

Quod ad Alterum attineret, mortem se omnino opperere ob caussam dum taxat Religionis Catholicæ, extra quam certus esset & securus servari posse neminem. Veritatem porrò Ecclesiæ Romanæ, præter cerera, testari ipsa quotidiana miracula, quæ inibi etiamnum, nec usquam alibi parrantur. Ibi mortuos adhuc resurgere, mutos loqui, cæcis vi- sum restitui, ejici dæmonia, alia supra naturam conspicere, sequere ad hujus testationem veritatis sanguinem libentissime fundere.

fundere. Id quod magni animo ardore contentaque voce præfatus est, et si eo die ad vesperam usque, nec cibo se, nec potu refecisset.

Februarii primo è carcere eductus, trahæ impositus, ad supplicii locum rapratus, plaustrum deinde descendere jussus, laqueo ad patibulum appensus, strangulatus, & post mortem in quatuor partes, CRVCIS in modum dissestus, CRVCIFIXO, quem sincerè amaverat, se suaque omnia libens consecravit; postquam in extremis ad patibulum, sublatis in altum manibus magno animi sensu pronunciasset verba illa CHRISTI in CRUCE pendentis: *In manus tuas, Domine, commendō spiritum meum.*

Fuit & illud in CRVCIFIXVM peculiariis affectus indicium, quod cum Regis Christianissimi legatus misisset quedam, qui Patrem inviseret, agnoscens eximiam illam Oratoris humanitatem, ipsi ad animi gratissimi testificationem, transmiserit ei dono, ut rem sibi gratissimam, & summæ æstimationis CRVCIFIXVM argenteum, rogans submissè, pergeret porrò Catholicæ Religionis defensionem in Anglia cordi habere, Catholicosque ipsos tueri.

Narratio latina de morte P. Henrici Mors, typis edita Gandavi Anno 1645. Relatio Belgica eodem anno impressa loco minime adjuncta. Libellus de certamine tripli à tribus Sociistarib[us] JESV Sacerdotibus in Anglia confecti Antwerpia apud Menrsum 1645.